

ენი ბლოკონი

საიდუმლო შვილები

შვილების მორიგი წარმადება



ინგლისურიდან თარგმნა
მაია წითაძემ



სულაკაურის
გამოსცემლობა

შინაახსნი

თანვი პიხვანი საიდუმლო შვიდეულის შეკება.....	5
თანვი მუმი საოცარი იდეა.....	9
თანვი მესამე დიდი ხე.....	13
თანვი მართხა ხის სახლის მონყობა.....	18
თანვი მახუთა დიდი მხიარულება.....	22
თანვი მუქვსა მომდევნო დილა.....	30
თანვი მუშვიდე გყე ლამით.....	34
თანვი მუხვი ქუხდი ხის სახლში.....	39
თანვი მუცხხა მოიგი შეხვედხა.....	44
თანვი მუათე ჯეფი ცდილობს, გაიხსენოს.....	49
თანვი მუთიხთმება თათბიხი და გეგმის შედგენა.....	54
თანვი მუთოხმება ემა დენი.....	59
თანვი მუცამება უსიამოვნო მოულოდნელობა.....	64
თანვი მუთოთხმება გონებადახვილი ჯოხჯი.....	69
თანვი მუთხუთმება წითელი ბუხთი.....	74
თანვი მუთაქვსმება MUX ხალას ნიშნავს?.....	79
თანვი მუჩვიდმება მთავარი საიდუმლო.....	84
თანვი მუთხვამება ამაღეღებელი დასასხუდი.....	89

თავი პიხველი

საიდუმლო შვიდეულის შეკება

– სად არის ჩემი გულსაბნევი? გულსაბნევს ვერ ვპოულობ!
არადა, ზუსტად მახსოვს, ამ უჯრაში ჩავდე! – წამოიძახა
ჯანეტმა და ჰაერში ცხვირსახოცების, წინდებისა და ლენტე-
ბის ორომტრიალი დააყენა.

– რას აკეთებ ჯანეტ?! – გაბრაზდა დედა, – ეგ უჯრა
ამ დილით დავალაგე. რას ეძებ, საიდუმლო შვიდეულის
გულსაბნევს?

– ჰო! ამ დილით შეკრება გვაქვს და გულსაბნევის გარეშე
ვერ წავალ. ზუსტად ვიცი, პიტერი ფარდულში არ შემოშვებს!
როცა საქმე გულსაბნევს ეხება, საშინლად მკაცრია, – უპა-
სუხა ჯანეტმა და ცხვირსახოცების სხვა შეკვრა გადმოყარა.

– სხვათა შორის, მაგ უჯრაში ტყუილად ეძებ, – გაუღიმა
დედამ. მერე დაიხარა და იატაკზე დაგდებული პატარა
მრგვალი გულსაბნევი აიღო, ზედ ფაქიზად დაწებებული
„ს.შ.“ ინიციალებით, – წელან ცხვირსახოცთან ერთად
გადმოგივარდა, პატარა ბრიყვო!

– ჩქარა, ჩქარა მომეცი, დედა! – ჯანეტი გულსაბნევს წაეპოტინა, მაგრამ დედამ ხელი მალლა ასნია და ძირს დაყრილ ნივთებზე მიუთითა:

– ჯერ ეს ყველაფერი აკრიფე, დაკეცე და როგორც იყო, ისე ჩაალაგე უჯრაში!

– მაგრამ საიდუმლო შვიდეული ხომ ხუთ წუთში შეიკრიბება! პიტერი უკვე ფარდულშია... – აწუნუნდა ჯანეტი.

– არა უშავს, ცოტა დააგვიანე, – დედა ოთახიდან გავიდა და გულსაბნევიც თან გაიყოლა.

ჯანეტმა ამოიოხრა. მერე ყველაფერს ერთიანად მოხვია ხელი და უჯრაში ნაჩქარევად ჩაყარა. კიბეზე სწრაფად ჩაირბინა და დედას გასძახა:

– უკვე მოვრჩი, დედა. გპირდები, როცა მოვალ, საგულდაგულოდ დავალაგებ ყველაფერს!

დედას გაეცინა და ჯანეტს გულსაბნევი გაუწოდა:

– აჰა, გამომართვი და წადი შენი საიდუმლო შვიდეულის შეკრებაზე! ნეტა როგორ ძლებთ ასეთ სიცხეში იმ ჩახუთულ ფარდულში?! კარი ან ფანჯარა მაინც გამოაღეთ!

– არ შეიძლება! ეს ხომ საიდუმლო ორგანიზაციაა! ვერ დავუშვებთ, ვინმემ მოგვისმინოს! ისე, ამ ბოლო დროს საინტერესო არაფერი მომხდარა. გვინდა გამოვცოცხლდეთ, თავადასავალი გვწყურია! დაახლოებით ისეთი, ბოლოს რომ გვექონდა.

– ნამცხვარი და ფორთოხლის წვენი წაიღე თან. აი, ელვაც! ალბათ შენ გექნება.

საყვარელი ოქროსფერი სპანიელი ხტუნვა-ხტუნვით შემოვიდა ოთახში და ჯანეტს საყვედურით შეუყვება.

– ვიცი, რომ დამაგვიანდა, – გოგონამ ხელი მოუთათუნა ძაღლს, – ალბათ პიტერმა გამოგზავნა ჩემს ნასაყვანად, არა? ნამო, ნავიდეთ!.. დედა, გმადლობ ნამცხვრებისა და წვენიისთვის, – გოგონა ეზოს ბილიკს გაუყვავა, გულზე მიხუტებული ნამცხვრის კოლოფითა და წვენი ბოთლით.

როცა ფარდულს მიუახლოვდა, შიგნიდან ხმები შემოესმა. ეტყობოდა, დანარჩენი ექვსი უკვე იქ იყო!

ჯანეტმა კარზე დააბრახუნა. ელვამაც ჩამოფხაჭნა კარი.

– პაროლი გვითხარი! – ექვსივემ ერთხმად გამოსძახა.

– „თავგადასავალი!“ – დაიყვირა ჯანეტმა იმ კვირის პაროლი, ურომლისოდაც კრებაზე არავის უშვებდნენ.

კარი პიტერმა გააღო, ჯანეტის ძმამ, და კოპებშეყრილმა შეათვალიერა და.

– ასე ხმამაღლა უნდა გეყვირა პაროლი?! – უსაყვედურა ჯანეტს.

– მაპატიე, ერთხმად რომ დამიძახეთ, მეგონა, მეც უნდა მეყვირა. ნუ გეშინიათ, ახლომახლო არავინაა... აი, ნამცხვრები და წვენი მოგიტანეთ.

პიტერმა ჯანეტს გულსაბნევი შეუმომნა. ათიოდე წუთის წინ თვითონვე ნახა, როგორი გამწარებული ეძებდა და გადაწყვიტა, თუ ვერ იპოვის, კრებაზე არ დავუშვებო. მაგრამ ჯანეტი გადარჩა – მას გულსაბნევი კაბაზე დაებნია!

ჯანეტი ფარდულში შევიდა. პიტერმა კარი მიხურა

და ბოქლომი დაადო. დახურულ ფანჯრებში ზაფხულის მცხუნვარე მზის სხივები იჭრებოდა.

– ღმერთო ჩემო! აქ ყველაფერი დულს! – ლოყები გაბერა ჯანეტმა, – ალბათ, დავდნები.

– ყველანი ვდნებით! ჩემი აზრით, ასეთ სიცხეში ყოველკვირეული კრებების ამ ფარდულში გამართვა სისულელეა! რატომ ტყეში არ მოვანყობთ შეხვედრას? – აზრი გამოთქვა პემმა.

ჯეკმა მაშინვე უარყო:

– ჩემი და, სუზი, ტყეში ხეტიალისას მოგვაგნებს და საიდუმლო შეკრებას ჩაგვიშლის.

– მაშინ ისეთი ადგილი მაინც მოვძებნოთ, სადაც სიგრილვე იქნება და ვერც ვერავინ გვიპოვის! – თქვა კოლინმა, – მაგალითად, მე ეზოში მაქვს სამალავი, სადაც ვერავინ მპოულობს ხოლმე. თანაც იქ ისე გრილა...

– ეგ სად არის? – იკითხა ჯეკმა.

– ხეზე. ეზოში ვეებერთელა, ხშირტოტებიანი ხე გვიდგას. შუა ტოტებზე ბალიშები ისე დავანყვე, რომ დასაჯდომად მოსახერხებელი იყოს, და – ყუთი, სადაც რალაცებს ვინახავ. ხეზე ყოველთვის ნიავი უბერავს და გრილა. თან იქიდან შესანიშნავი ხედია. თუ ვინმე მომიახლოვდება, იმასაც მშვენივრად ვხედავ ხოლმე.

ყველამ ყურადღებით მოუსმინა კოლინს და თვალეგაბრწყინებულებმა ერთმანეთს გადახედეს.

– გადასარევი იდეაა! – თქვა პიტერმა, – ამიერიდან ხეზე მოვანყობთ შტაბს და ამის შესახებ არავის ეცოდინება!

თავი მეოხე

საოცახი იდეა

მაშ ასე, საიდუმლო შვიდეულმა ახალი იდეა ერთხმად მოინონა. კოლინს თავი ამაყად ეჭირა, რადგან იდეის ავტორი გახლდათ.

– ახლა მთავარია, დიდი, ტოტებგაშლილი ხე ვიპოვოთ, – განაცხადა პიტერმა, – ზემოთ ფიცრებს, ბალიშებს და ყუთებს ავიტანთ – ნამცხვრების, წვენიისა და წიგნების შესანახად.

– მაგარი იქნება! – დაეთანხმა ჯანეტი, – ვერავინ გამოიცნობს, სად ვიკრიბებით და ვერც იმას მოისმენენ, რას ვიტყვით.

– ახლავე გავიდეთ ამ ჩახუთული ფარდულიდან და დიდი ხე მოვძებნოთ, – შესთავაზა დანარჩენებს კოლინმა, – ზუსტად ვიცი, რას გრძნობს ნაყინი, როდესაც ღვებობა. შეხედეთ საბრალო ელვას! ისე ქელავს, თითქოს რბოლა მოეგოს.

მართლაც, ძალღს გრძელი, ვარდისფერი ენა გადმოედო და ხმაურით სუნთქავდა.

პიტერი წამოდგა და ძალღს ყურებზე მიეფერა.

– ნამო, მეგობარო. ნაკადულთან რომ მივალთ, წყალს დაგაღვინებ.

ბავშვებმა ნამცხვრების ყუთი აიღეს და გარეთ გამოვიდნენ. ბოთლში კი წვეთი წვენიც აღარ იყო – სულ დაელიათ. ელვა ადგილს მოსწყდა და ნაკადულისკენ გავარდა.

– ჰეი, შენ, მთლად არ ამოაშრო ნაკადული! – სიცილით მიაძახა პიტერმა.

ძალი ხარბად დაენაფა წყალს. ბავშვებმა აღარ დაუცადეს და გზა განაგრძეს.

– ტყეში შევიდეთ, იქ ბევრი უზარმაზარი ხეა.

მართლაც ტყისკენ აიღეს გეზი და შიგნით შესვლისთანავე სასიამოვნო სიგრილე იგრძნეს.

– ახლა კარგად დავაკვირდეთ, ისეთი ხე უნდა მოვძებნოთ, შვიდივეს რომ თავისუფლად დაგვიტევეს, – თქვა ჯეკმა.

– მერე, ელვა? – გაახსენდა ჯანეტს, – ის რომ ვერ ამოვა ხეზე?

– რამეს ჩავაბამთ და ისე ამოვიყვანთ, – მოიფიქრა ჯორჯმა.

– არა, ეგეთ რამეებს ვერ იტანს, – იუარა პიტერმა, – არა უშავს, თუ ვერ ამოვა, ეგ ხომ ნამდვილი ნევრი არ არის. შეუძლია, ხის ძირში იჯდეს და გვიდარაჯოს.

– კარგი აზრია! – მოუნონა ბარბარამ, – თუ ვინმე მოგვიახლოვდება, დაიყეფებს. შესანიშნავი კარის დარაჯი გვეყოლება.

– კარის არა, ხის! – შეუსწორა პემმა, – შეხედეთ, ამ ხეზე რას იტყვიან? ნახეთ, რამოდენაა!

– ეს არ გამოგვადგება, – დაუნუნა პიტერმა, როცა ხე შეათვალა, – ქვემოთ ტოტები არა აქვს. ჩვენ კი იოლად ასაძრომი ხე გვჭირდება, თორემ მთელი დრო ხეზე ასვლა-ჩამოსვლაში თუ დავხარჯეთ, რაღა გამოვა.

ბავშვები სხვადასხვა მხარეს დაიფანტნენ და ცალ-ცალკე შეუდგნენ სასურველი ხის ძებნას. სხვათა შორის, იოლი მოსაძებნი არ გამოდგა, რადგან ამხელა ტყეში ძალიან ცოტა იყო ისეთი ხე, უზარმაზარიც რომ ყოფილიყო, თანაც ქვემოდანვე დატოტვილი. აი, ჯორჯმა იპოვა ერთი, მაგრამ ზედ როცა აცოცდა, მიხვდა, რომ შეუძლებელი იყო იქ რაიმენაირი სახლის მოწყობა.

– არ გამოგვადგება! – ჩამოსძახა მეგობრებს, – გადახლართული ტოტები აქვს, თან არცთუ ისე მსხვილი.

– ყველანი აქ მოდით! – იყვირა უცებ ჯეკმა, – აბა, ამ ხეზე რას იტყვით?

ბავშვებმა სასწრაფოდ მიირბინეს.

– ეს მართლაც შესაფერი ჩანს, – მოეწონა კოლინს, – ერთი ტოტი დაბლა აქვს, ჩვენი წელის სიმაღლეზე, ზედ ფეხს თუ შევდგამთ, იოლად ავცოცდებით. მეორე ტოტიც აქვეა. თანაც გაშლილი ტოტები აქვს... მოდი, ავძვრები და კარგად შევამოწმებ.

– არა, მე ავძვრები, – შეაჩერა ჯეკმა, – იმიტომ, რომ პირველმა ვნახე. შენ უკან გამომყევი!

ჯეკმა დაბალ ტოტზე ფეხი შედგა და ზემოთ შეუყვია. ფეხებს ხის კორძებზე იმაგრებდა, რომლებიც თითქოს სპეციალურად ჰქონდა ხეს, კიბის მაგივრობა რომ გაე-

ნია. ბოლოს იმ ადგილსაც მიაღწია, სადაც ხე იტოტებოდა.

– მშვენიერია! – ჩამოსძახა დანარჩენებს. – აქ დაახლოებით ექვსი დიდი ტოტია, თითქმის თანაბარ სიმაღლეზე, და კიდევ ფულუროცაა, რომელსაც კარადად გამოვიყენებთ. ამოდით! ადგილი ყველას გვეყოფა!

ბავშვები გახარებულები აბობლდნენ ხეზე. პიტერმა გადანყვიტა, ყველაზე ბოლოს ასულიყო, რათა თუ ვინმეს გაუჭირდებოდა ასვლა, დახმარებოდა.

– მგონი, ეს ყველაზე დიდი ხე არის ამ ტყეში, – განაცხადა პიტერმა, როცა ყველანი ტოტებზე მოთავსდნენ, – როგორ გავვიმართლა, რომ მივაგენით, თანაც ტოტები ერთ სიმაღლეზე აქვს. ფულურო სადღაა, ჯექ?

– აი, ფულუროც, – ჯექმა გვერდზე გაიწია და ფულურო გამოაჩინა. ყველამ დაინახა დიდი ხვრელი. ჯექმა შიგნით ხელი შეყო შესამონმებლად.

– თითქმის ერთ მეტრის სიღრმე აქვს, კარგი სათავსი იქნება, ზუსტად ისეთი, ჩვენ რომ გვჭირდება! აბა, რას იტყვით, გამოგვადგება ეს ხე საიდუმლო შვიდეულის შეკრების ადგილად?

– რა თქმა უნდა! – მიუგო ყველამ ერთხმად და დაიწყეს თათბირი იმაზე, თუ როგორ მოაწყობდნენ მას, ნამდვილ სახლად რომ ქცეულიყო.

პიტერმა ბლოკნოტი ამოიღო.

– აბა, მეგობრებო, რიგრიგობით გამოთქვით თქვენ-თქვენი მოსაზრება, მე კი ყველას ჩავინიშნავ.